

Na osnovu čl. 13. i 14. Poslovnika o radu Koordinacionog odbora centralnih jedinica za harmonizaciju, člana 2. stav (1) Odluke o usvajanju procedura za stvaranje, evidentiranje obaveza i izvještavanje o izvršenju budžeta KO CJH, broj: KO-11/2017 od 19.10.2017. godine, a u vezi sa članom 2. stav (3) Odluke o budžetu Koordinacionog odbora centralnih jedinica za harmonizaciju u Bosni i Hercegovini za 2026. godinu, broj: KO-2/26 od 11.2.2026. godine i Programom rada Koordinacionog odbora centralnih jedinica za harmonizaciju za 2026. godinu, broj: KO-2/26 od 22.1.2026. godine, Koordinacioni odbor centralnih jedinica za harmonizaciju na 2. sjednici, održanoj 11.2.2026. godine d o n o s i

O D L U K U

o odobravanju sredstava budžeta KO CJH za realizaciju godišnje konferencije o internoj reviziji u javnom sektoru u Bosni i Hercegovini u 2026. godini

Član 1.

- (1) Koordinacioni odbor centralnih jedinica za harmonizaciju (u daljem tekstu: KO CJH), shodno planiranim aktivnostima iz Programa rada KO CJH za 2026. godinu, organizuje dvodnevnu godišnju konferenciju o internoj reviziji u javnom sektoru u Bosni i Hercegovini u 2026. godini.
- (2) Naziv konferencije iz stava (1) ovog člana je „Deveta godišnja konferencija o internoj reviziji u javnom sektoru u Bosni i Hercegovini“.
- (3) Konferencija iz stava (1) ovog člana biće održana u radnim danima u periodu 11. -22.5.2026. godine na teritoriji Republike Srpske.
- (4) Tačno mjesto i datum održavanja konferencije biće određeni naknadno, nakon okončanja provođenja postupka javne nabavke pružanja usluga organizacije konferencije iz stava (1) ovog člana.

Član 2.

- (1) Konferencija je namijenjena rukovodiocima jedinica za internu reviziju i internim revizorima zaposlenima u institucijama Bosne i Hercegovine, u javnom sektoru Federacije Bosne i Hercegovine, Republike Srpske i Brčko distrikta Bosne i Hercegovine.
- (2) Učesnici konferencije su rukovodioci jedinica za internu reviziju i interni revizori, predstavnici centralnih harmonizacijskih jedinica, predavači i snimatelj konferencije.
- (3) Planirani broj učesnika na konferenciji je 150, od čega 50 iz institucija Bosne i Hercegovine i Brčko distrikta BiH, 50 iz Federacije BiH i 50 iz Republike Srpske.
- (4) Za sve učesnike konferencije obezbijedeni su smještaj i ishrana tokom trajanja konferencije (jedan puni pansion).
- (5) Za 15 predstavnika centralnih harmonizacijskih jedinica koji učestvuju u organizaciji konferencije, pored smještaja i ishrane na dan konferencije, obezbijedeni su smještaj i ishrana (polupansion) i za dan prije konferencije u svrhu organizacionih priprema konferencije.
- (6) Za sve učesnike konferencije biće obezbijedeno bezalkoholno piće uz obroke za dane konferencije i kafa/čaj za kafe-pauzu.

Član 3.

- (1) Konferencija je planirana plenarno oba dana za sve učesnike, prema usaglašenom sadržaju i agendi.
- (2) Agenda konferencije biće izrađena naknadno i činiće prilog ove Odluke.

- (3) Za tehničku podršku učesnicima u vezi sa informacijama o smještaju, prijavama i obavještanjem učesnika, kao i ostalim sadržajima konferencije, KO CJH će imenovati po jednu osobu iz svake centralne harmonizacijske jedinice.
- (4) Ovlašteni predstavnik centralne harmonizacijske jedinice koja u periodu održavanja konferencije predsjedava KO CJH parafira liste o pruženim uslugama noćenja, ishrane i pića, kako bi se, po prijemu fakture, prije odobravanja, računovodstvenog evidentiranja i plaćanja, mogla izvršiti kontrola istih.

Član 4.

- (1) Procijenjeni ukupni troškovi smještaja sa ishranom za sve učesnike konferencije tokom trajanja konferencije, predavače i snimatelja, bezalkoholna pića uz obroke za dane konferencije, ugostiteljske usluge za kafe-pauzu, te troškovi stručne i tehničke pripreme i same organizacije konferencije iznose najviše do 35.000,00 KM sa PDV-om.
- (2) Ukupne neto naknade za eksterne predavače iznose 3.000,00 KM.
- (3) Ukupna neto naknada za snimatelja iznosi do 1.000,00 KM.
- (4) Centralna harmonizacijska jedinica Ministarstva finansija i trezora BiH zadužena je da obezbijedi tehničku podršku za evidentiranje rashoda i izmirenje obaveza putem Ministarstva finansija i trezora BiH.

Član 5.

- (1) Centralna harmonizacijska jedinica Ministarstva finansija i trezora BiH zadužena je da provede postupak javne nabavke pružanja usluga organizacije konferencije u skladu sa Aneksom II Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24).
- (2) Nakon sačinjene tenderske dokumentacije od strane Centralne harmonizacijske jedinice Ministarstva finansija i trezora BiH, svi članovi KO CJH dužni su istu pregledati i dati saglasnost na tekst iste.
- (3) Centralna harmonizacijska jedinica Ministarstva finansija i trezora BiH će, nakon okončanja postupka javne nabavke, obavijestiti KO CJH o odabiru najpovoljnijeg ponuđača i mjestu održavanja konferencije.

Član 6.

- (1) Predavači na konferenciji su predstavnici centralnih jedinica za harmonizaciju i eksterno angažovani predavači.
- (2) U svojstvu eksternih predavača biće angažovano do šest stručnih osoba, čija će prava i obaveze biti regulisani zaključivanjem ugovora o djelu.
- (3) Planirani eksterni predavači i njihove teme na konferenciji biće utvrđeni naknadno i činiće prilog ove Odluke.

Član 7.

- (1) Ugovore iz člana 6. stav (2) ove Odluke će, u ime KO CJH, zaključiti Centralna harmonizacijska jedinica Ministarstva finansija i trezora Bosne i Hercegovine, i u istima će utvrditi pojedinačnu naknadu i ostale troškove u vezi sa obavezama i prisustvom na konferenciji.
- (2) Obaveze eksternih predavača biće detaljno precizirane u svakom pojedinačnom potpisanom ugovoru o djelu.

- (3) Ukupna pojedinačna naknada po osnovu obaveza predavača iznosi 500,00 KM u neto iznosu po jednom predavaču, a pripadajuće poreze i doprinose plaća KO CJH u skladu sa zakonskim propisima.
- (4) Visina naknade obuhvata pripremu prezentacije, predavanje i učestvovanje u diskusijama, a utvrđuje se na osnovu procijenjenog broja sati za pripremu i planiranog vremena trajanja prezentacije.
- (5) Za predstavnike centralnih harmonizacijskih jedinica ne obračunava se i ne isplaćuje naknada za učestvovanje u realizaciji konferencije.

Član 8.

- (1) Centralna harmonizacijska jedinica Ministarstva finansija i trezora Bosne i Hercegovine, u ime KO CJH, zaključice ugovor o djelu sa kamermanom/snimateljem, angažovanim za video snimanje cijelog toka Konferencije.
- (2) Ugovorom iz stava (1) ovoga člana biće precizno definisane obaveze kamermana/snimatelja.

Član 9.

Troškove prevoza predavača i snimatelja konferencije radi prisustva konferenciji KO CJH snosi organizator, u iznosu od 20% cijene litre benzina (Eurosuper 95) na dan održavanja konferencije po pređenom kilometru, u zavisnosti od udaljenosti mjesta prebivališta do mjesta održavanja konferencije, te će naknada biti utvrđena posebnim rješenjem a plaćanje će biti izvršeno kroz ISFU sistem.

Član 10.

- (1) Sredstva za realizaciju konferencije obezbijedena su u budžetu KO CJH za 2026. godinu.
- (2) Evidentiranje obaveza, plaćanje i izvještavanje vrši se u skladu sa Odlukom o usvajanju procedura za stvaranje, evidentiranje obaveza i izvještavanje o izvršenju budžeta KO CJH broj KO-11/2017 od 19.10.2017. godine.

PREDSJEDAVALAČI KO CJH

Milorad Nešić

Broj: KO-2/26

Sarajevo, 11.2.2026. godine

Dostaviti:

- članovima KO CJH,
- internet stranica CHJ MFiT BiH – KO CJH,
- a/a.